

QISHLOQ XO‘JALIK EKINLARINI ASALARILAR YORDAMIDA CHANGLATISHNING AHAMIYATI

Qulmurotov Sohibjon Jumaniyozovich

Axborot texnologiyalari va menejment universiteti

“Iqtisodiyot” kafedrasida assistenti

e-mail: sohibkulmurotov@gmail.com

Tel: +998972792329

Axmadova Feruza Isroil qizi

Axborot texnologiyalari va menejment universiteti

“Iqtisodiyot” yo‘nalishi I – bosqich I-115-23 guruh talabasi

Annotatsiya: Ushbu maqolada o‘simliklarning changlatishda asosiy manba bo‘lib xizmat qiluvchi asalarichilik hamda uning changlatishdagi ta’siri haqida so‘z boradi.

Kalit so‘zlar: Asalari, gulchangi, o‘simlik, kungaboqar, gul, osimlik changi, changlatish, bedazor.

Аннотация. В этой статье рассматривается пчеловодство, которое служит основным источником опыления растений, а также его влияние на опыление.

Ключевые слова: Пчелы, пыльца, растение, подсолнух, цветок, пыльца растений, опыление, лютик.

Abstract. This article examines beekeeping, which serves as the main source of plant pollination, as well as its effect on pollination.

Keywords: Bees, pollen, plant, sunflower, flower, pollen of plants, pollination, buttercup.

KIRISH

Asalari etti xazinaning biri – deydi xalqimiz. Asalarilar ko‘plab shifobahsh asal, mum, propolis, gulchangi to‘plashi bilan hamda ayni paytda qishloq xo‘jalik ekinlarini, ayniqsa bog‘dorchilik, poliz ekinlari va paxtachilikni rivojlantirishga katta ijobiy ta’sir ko‘rsatadi. Shu boisdan ham, asalarichilik sohasi serdaromad sohalardan biri hisoblanadi. Bugungi kunda O‘zbekistonda asalarichilikka bo‘lgan talab va uning shifobaxsh maxsuloti bo‘lgan asal va asalari mahsulotlari (mum, prapolis, gulchangi (perka), asalari suti va zaxri) etishtirishga oqilona ixtisoslashuvini saqlab qolish, mustaqil Respublikamizning kun sayin bozor iqtisodiyotiga o‘tayotgan davrida iqtisodiyotimizning asosini tashkil etadi.

TADQIQOT MATERIALLARI VA METODOLOGIYASI

Respublikamiz asalarichilari oldiga har bir asalari oilasining mahsuldorligini oshirish hisobiga asal yetishtirishni ko‘paytirish qat’iy vazifasi qo‘yilgan. Buning uchun har bir asalarichidan va har bir rahbardan, asalari oilasini zooveterinariya

qoidalari asosida parvarishlab, asalarilarni tez-tez serasal o‘simliklar o‘sadigan joylarga ko‘chirib turishni talab qiladi.

Asalarilarning foydali va serdaromad tomonlari shundaki, ular o‘simlik gullarini chetdan changlatish yo‘li bilan ekinlar hosildorligini 10-60 % gacha oshirishga sabab bo‘ladi. Respublikamiz sharoitida esa g‘o‘za, beda va dukkakli o‘simliklar, ozuqabop hamda poliz ekinlari maydonlari kengayib borishi tufayli, qishloq xo‘jalik ekinlarini changlatishda asalarilarning ahamiyati kun sayin ortib bormoqda. Asalarilarning ana shunday beminnat xizmatlarini va u dehqonlarning qanotli yordamchisi ekanligini hisobga olib, hukumatimiz keyinigi yillarda asalarichilikni respublikada yanada rivojlantirish to‘g‘risida ko‘pgina qarorlar qabul qildi. Shu munosabat bilan, O‘zbekiston Respublikasi Prezidentining 2017-yil 16 oktyabrdagi “Respublikamizda asalarichilik tarmog‘ini yanada rivojlantirish chora-tadbirlari to‘g‘risida”gi – 3327 sonli qarori qabul qilindi. Bu qaror yordamida respublikamizda asalarichilik bir muncha rivojlandi, uning moddiy-texnika ta‘minoti, kadrlar bilan ta‘minlash ishlari mustahkamlandi.

Respublikamizning ajoyib tabiati va iqlim sharoiti, qishloq xo‘jaligining barcha sohalari kabi asalarichilikning ham muvoffaqiyatli rivojlantirish imkonini beradi. Cheksiz maydonlardagi o‘tloqlarimiz, rang-barang adiru qirlarimiz, bepoyon paxtazorlarimiz, keng maydonlarni ish g‘ol etgan bog‘ va gulzorlarimiz, asalarilar uchun ajoyib ozuqa manbai hisoblanadi. Shunga qaramay, hozirgi vaqtda xalq xo‘jaligi tarmog‘ining rivojlanish salmog‘i, axolining kundan-kunga ortib borayotgan talablariga yetarli darajada javob bera olmaydi. Asalarichilikning qishloq xo‘jalik ekinlari hosilini oshirishdagi ahamiyati yanada katta. Ma‘lumki, dunyodagi 80% gulli o‘simliklar, chetdan changlanadilar. Ana shu o‘simliklarning chetdan changlanishida, asalarilar asosiy rol o‘ynaydi, chunki boshqa xil changlatuvchi hasharotlar soni juda kam va ularni kerakli paytda ekinlarni changlantirishga ko‘chirib bo‘lmasligi tufayli, asalarilar bunga juda mos keladi. Asalarilardan xohlagan paytda, kerakli o‘simliklarni chetdan changlantirishda foydalanish mumkin. Asalarilar tufayli chetdan changlanadigan beda va dukkakli o‘simliklar hosili 35-40%, kungaboqar 45-50%, mevali daraxtlar 50-60% va poliz ekinlari esa 100% gacha oshganligi aniqlangan. Asalarilarning, ayniqsa g‘o‘zalarning chetdan changlanishida va ularning hosildorligining oshirishdagi ahamiyati yanada katta. Tajribalardan shular aniqlanganki, asalarilar yordamida changlangan g‘o‘za maydonlarining hosili 10- 23% gacha ortganligi va ularning ko‘sagi yirik bo‘lgan va pishib yetilish tezlashganligi kuzatilgan. Respublikamizdagi asalarichilar tajribasi shuni ko‘rsatmoqdaki, paxta maydonlariga joylashtirilgan har bir asalari oilasidan 30-40 kg gacha asal olinmoqda. Demak paxtachilikda hosildorlikni oshirish uchun har bir paxta dalasida asalari oilasini joylashtirish kerak bo‘ladi. Asalarilar qancha ko‘p bo‘lsa, undan olinadigan asal ham va qishloq xo‘jalik ekinlari hosili ham shuncha ko‘p bo‘ladi.

Ekinlarni asalarilar yordamida changlatish va hosildorligini oshirishning quyidagi usullari mavjud:

- Qiziqarli usullardan biri - chang ushlab qoladigan asbob bilan asalarilarning changini tortib olish. Bunday vaqtda asalarilar yana chang yig'ishga ketadi.
- Changlanuvchi ekinning maydon birligida asalarilar sonining ko'p bo'lishi.
- Asalarilarda o'simliklarga qatnash uchun turg'in refleks hosil qilish.
- Ghanglatuvchi asalarilardan foydalanishning optimal muddatlarini ishlab chiqish. Bunda o'simliklarning biologik va fiziologik xususiyatlari ularni o'stirish texnikasi o'sish mavsumi, harorat faktori va hokazolar hisobga olinadi.
- Changlatuvchi arilar oilalari joyini har 5-7 kunda almashtirib turish.

Respublikamizda jami bo'lib 143 mingta asalari oilasi bo'lib, bu mavjud ekilayotgan 1,5 million gektar g'ozga maydonlarini, 540 ming gektar bedazor, 482 ming gektar bog', poliz, sabzavotni, 387 ming gektar makkajo'xori va boshqa ekinlar gulini changlatishga yetmaydi. Ana shu maydondagi ekinlar gulini changlatish uchun qo'shimcha ravishda yana 1,5-2 millionta asalari oilasini tashkil etishni talab qiladi.

Mutaxassis olimlarining fikncha, bir gektar bedazor gulini changlatish uchun 2-3 ta asalari oilasi kifoya ekan. 1 gektar g'ozga maydoni uchun 2-4 ta, mevazorlar uchun 2-4 ta, poliz ekinlari uchun 0,5-1 ta, sabzavot, uzumzor, perga, raps kabi ekinlar uchun 1-2 ta arilari oilasi talab qilinadi.

Hozirgi kunda mavjud arilari oilasi bilan faqatgina 200 ming gektardan ziyodroq g'ozga maydonlarini changlatish mumkin.

Asalari bir daqiqada o'ndan ortiq, bir kunda esa 72 mingga yaqin g'ozga gulini changlatishga ko'maklashadi. O'z vaqtida yaxshi changlanish esa hosildorlikning oshishida katta ahamiyatga ega. Bu ayniqsa, beda urug'i hosilini oshirishda yaqqol seziladi.

Respublikamizda asalarichilikni rivojlantirishning va uni ozuqa bilan ta'minlashning yana bir yo'li shuki, chorvachilik uchun takroriy ekiladigan ozuqabop ekinlardan hisoblangan kuzgi raps va perga kabi servitamin ekinlarni javdar o'simligi bilan birga xo'jaliklarda bo'shab qolgan yerlarga ekishni tashkil etishdir. Bu ozuqabop ekinlar bahorda chorva mollari uchun juda to'yimli, shirali ozuqa bo'lishi bilan birga, asalarilarning bahorgi rivoji uchun ham juda yaxshi gulshira va gulchangi beruvchi o'simliklardan hisoblanadi. Shuningdek, Bug'doydan bo'shab qolgan yerlarga uch oylik kungaboqar o'simligi navlarini ekish ham yoz oxirida asalari oilasini ko'plab gulchangi va gul shirasi bilan ta'minlab, ularning rivojlanishiga salmoqli hissa qo'shadi.

Asalarilar – ekinlar hosilini oshirish va urug'chilikni rivojlantirishda katta ahamiyatga ega. Dalazordagi o'simliklarning hosil berishlari uchun chang bir o'simlik gulidagi ikkinchi o'simlik guliga o'tmog'i kerak. Bu vazifani har xil hasharotlar, ayniqsa asalarilar bajaradi. Ekinlar gullagan vaqtda, asalarilarni ularga yaqinroq olib borishadi. Agar aksi bo'lsa, ulardan mo'l hosil olib bo'lmaydi, chunki gulli

o‘simliklarning 70% qismi asalarilar bilan changlanadi. Asalarilar ko‘p miqdorda oziqa qidirib turli xil gullarga qo‘nadilar va shu bilan birga bu gullarni changlantirib ham ketadi. Asalarilarning tanasi yetarli darajada sertukli bo‘ladi va bu tuklarga ko‘p miqdorda gulchangi ilashib qoladi.

XULOSA

O‘simliklarni changlatish uchun asalarilarga o‘rgatish sharbati beriladi. Agar arixonaga birorta gulning hidi kelib turgan oziqa solingan oxurcha qo‘yilsa, asalarilar bu oziqni olib mumkatakchalariga eltadi. Bu oziqani topib olgan asalarilar o‘z katakchalariga qaytib kelganidan so‘ng dalada birorta oziqa manbai topgan darakchi asalarilar kabi, doyra shaklida tez-tez yura boshlaydilar, ya‘ni boshqa asalarilarni shu oziqani keltirish uchun qiziqtirishga urinadilar. Asalarilarning bir qismi oxurchadagi oziqani arixonaga keltiradi, va boshqa asal-arilarni xuddi shu kabi oziqa manbalarini izlab topish uchun arixonadan uchib ketishga majbur etadi. Agar asalariga g‘o‘za guli hidi kelib to‘rgan shakar sharbati berilsa, bu holda ular g‘o‘za usimligini qidirib topish uchun uchadilar. Asalarilar bu o‘simliklarni shirasidan kelib to‘rgan hidiga qarab topib oladilar. Demak asalarilarga o‘simlik gulining hidi kelib to‘rgan oziqa berib, kerakli o‘simlikni changlatish mumkin.

FOYDALANILGAN ADABIYOTLAR:

1. O‘zbekiston Respublikasi Prezidentining 2017 yil 16 oktyabrdagi “Respublikamizda asalarichilik tarmog‘ini yana rivojlantirish chora-tadbirlari to‘risida”gi PQ-3327-sonli qarori. “Qishloq xayoti” gazetasi. 2017 yil 17 oktyabr.
2. Гулов А.Н., Бородачев А.В., Берёзин А.С. Возраст трутней и качество трутней. Ж. “Пчеловодство”, 2015, №4, стр. 24-26.
3. Гулов А.Н., Бородачев А.В. Качество сперми и отсепка отсепских семеней. Ж. “Пчеловодство”, 2016, №10, стр. 25-26.
4. Jamolov, R. Q., Xatamova, D. M., & Xolmatova, M. A. (2022). ASALARICHILIK VA UNING AHAMIYATI. *Oriental renaissance: Innovative, educational, natural and social sciences*, 2(10-2), 644-649.
5. Qulmurotov S.J., Iskandarov S.U. “ЗНАЧЕНИЕ ПЧЕЛОВОДСТВА В СЕЛЬСКОМ ХОЗЯЙСТВЕ РЕГИОНА” *International journal of scientific researchers*. Germaniya – 2024.
6. Qulmurotov S.J., Iskandarov S.U. “IMPORTANCE OF THE BEEKEEPING SECTOR IN REGIONAL AGRICULTURE” *American journal of Business Management, Economics and Banking*. AQSH – 2024.
7. <https://mymedic.uz/salomatlik/asal-foydasi-va-zararlari/>